

ende sie dijn dochter ons ghenade  
vertrighen van allen sunden *Ame.*  
**W**es *Van sunte Anna ghebeth*  
ghegruet hillighe moeder  
*scā Anna* die ontfanghen heuest  
een dochter die den verloeser der  
wertt solde voertbrengghen *W*erbli-  
de dy hillighe *Anna* een moeder der  
ionffer *marien* die voertghebracht  
heft den groten messya *W*erblyde  
dy salighe *Anna* een moeder des gro-  
ten kyndes. want van dy is voert  
ghecomen die blenckende steerne  
der ouerster sonne *W*erblyde dy  
hillighe *Anna* die allene heueste  
verdient toe wesen een moed' der io-  
ffer der moeder ons heren *Jesu chri*  
*W*erblyde dy hillighe *Anna* sonder  
eynde bidde voer my mytter con-  
ghynen des hemels *A. Van ons vrou-*  
**W**eset ghe *wen susters gheb;*  
gruet ghy bruden bloeyende